



Bou ons kinders vir môre

Konfirmasie 2

Lestitel: Bereidwilligheid om te offer en op te offer

'n Ouerhandleiding

Sondagskooltuisonderrig



Liewe Ouer

Welkom by die les “**Bereidwilligheid om te offer en op te offer**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Konfirmasieonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek (Ek wil ook ...)
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Bereidwilligheid om te offer en op te offer
Bybelwoord	Genesis 14: 18-20; Hebreërs 7: 1-2; Genesis 22: 1-19; Genesis 28: 22; Genesis 32:10; Lukas 21: 1-4; Maleagi 3: 10; Mattheus 23:23; 2 Korinthiërs 9: 6-7
Kategismus & V&A	Hoofstuk 13, V&A 729 - 738
Lesdoelwit	Ons les van vandag leer ons dat die konfirmante weet dat God se werk gebou is op offerande en opofferings wat gebring word uit liefde vir die Here.

Lesopsomming:

- Die bereidwilligheid om te offer en op te offer verwys na die innerlike begeerte van iemand om sy gawes en talente te gebruik tot voordeel van ander.
- Opofferings is gawes wat aan God aangebied word, met ander woorde menslike dae wat in diens van ander verrig word.
- Daar is tasbare (geldelike offers) en ontasbare offers (gee van ons tyd en energie).
- Geestelike offers verwys na voorbiddings en om ons talente en energie tot God se beskikking te stel.
- Offerande en opofferings vereis die regte hartsgesindheid.
- Ek bring my offerande en opofferings vrywillig om my dank aan God te betuig.
- Verhouding tussen opoffering en seën.
- God se werk is met 'n offer begin en sal met opofferings voltooi word.

Wat beteken hierdie les vandag vir ons?

God se werk het begin met 'n offer (Jesus Christus kruisiging) en word ontwikkel deur offerande en opofferings wat gebring word uit liefde vir die Here. Die Here se werk sal met opofferings voltooi word.



Sommige vrae wat ons kan vra:

1. *Wat bedoel ons as ons praat oor 'bereidwilligheid om te offer en op te offer?*

Antwoord: Die term "bereidwilligheid om te offer op te offer" verwys na 'n persoon se innerlike begeerte om sy gawes en talente tot voordeel van ander te gebruik en selfs sy eie belange vir hierdie doel opsy te sit.

2. *Wie is die grootste voorbeeld van bereidwilligheid om op te offer?*

Antwoord: Jesus Christus is die grootste voorbeeld. Uit liefde vir die mensdom het Hy sy lewe as offer gegee.

3. *Hoe word bereidwilligheid om op te offer getoon in die gemeentelewe?*

Antwoord: Baie lidmate wy 'n aansienlike deel van hul vrye tyd, energie en talent tot die diens van die gemeente sonder vergoeding.

4. *Wat is 'n geestelike offer?*

Antwoord: Wanneer 'n mens jou wil onderwerp aan die wil van God en jou laat lei deur dit wat God begeer.

5. *Hoe kan ons offer en opofferings maak?*

Antwoord: Vrywillig, vreugdevol en om ons dank aan God te betoon OF onwillig en sonder vreugde.

Bykomende opmerkings Beste ouers

1. As deel van huiswerk moet u kind ook die **konfirmasie-eed** oefen en uit sy/haar kop leer.

Die bewoording is soos volg:

“Ek verwerp Satan en al sy werk en weë en gee myself oor aan U, O drie-enige God, Vader, Seun en Heilige Gees, in geloof, gehoorsaamheid en met die ernstige voorneme om aan U getrou te bly tot aan my einde. Amen.”

'n Gebed vir Pappa en Mamma om voor die les te bid:

Almagtige God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om U wil te doen, Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet, Amen